

國朝學案小識
(三)





孔子文化大全

國朝學案小識 (三)

清·唐鑑編輯

孔子文化大全編輯部編輯
山東友誼出版社出版



The Complete Works of Confucian Culture

**SOME INSIGHTS INTO THE
SCHOLARLY SYNOPSES OF
THE REGNAL DYNASTY
Volume II**

Compiled by Tang Jian of the Qing Dynasty

**Edited by The Editorial Department of
THE COMPLETE WORKS OF
CONFUCIAN CULTURE**

**Published by
Shandong Friendship Press**

《孔子文化大全》

國朝學案小識

清·唐鑑撰輯

孔子文化大全編輯部編輯

地址：中國·山東省濟南市經四路227號

電話：615275 電報掛號：0427

*

出版：山東友誼書社

印刷：山東人民印刷廠

發行：山東省出版對外貿易公司

地址：中國·山東省濟南市經四路227號

電話：612552 電報掛號：0238

*

787×1092毫米 16開本 97.5印張

1990年9月第1版 1990年9月第1次印刷

ISBN 7—80551—270—1/Z·104

**THE COMPLETE WORKS OF CONFUCIAN CULTURE
SOME INSIGHTS INTO THE
SCHOLARLY SYNOPSES OF
THE REGNAL DYNASTY**

Compiled by Tang Jian of the Qing Dynasty

Edited by The Editorial Department of

The Complete Works Of Confucian Culture

Add: 227 Jingsilu, Jinan, China

Tel: 615275 Cable: 0427

Published by Shandong Friendship Press

Printed by Shandong People's Printing House

Distributed by Shandong Publishing Foreign Trade Company

Add: 227 Jingsilu, Jinan, China

Tel: 612552 Cable: 0238

First Edition September, 1990

First Printing September, 1990

ISBN 7-80551-270-1/Z·104

《孔子文化大全》編輯委員會

主編 苗楓林

副主編 杜秀明 初甫川 王國華

編委 (以姓氏筆劃爲序)

王國華 杜秀明 初甫川

李木 李德明 宋日亭

苗楓林 孫汝泰 陳延昭

趙炳南 趙耀堂 蔣寶德



**The Editorial Committee of
"The Complete Works Of Confucian Culture"**

Editor in Chief

MIAO FENG LIN

Deputy Editor in Chief

DU XIU MING

CHU FU CHUAN

WANG GUO HUA

Editorial Committee Members

WANG GUO HUA

DU XIU MING

CHU FU CHUAN

LI MU

LI DE MING

SONG RI TING

MIAO FENG LIN

SUN RU TAI

CHEN YAN ZHAO

ZHAO BING NAN

ZHAO YAO TANG

JIANG BAO DE

Shandong Friendship Press
Published by
THE COMPLETE WORKS OF
CONFUCIAN CULTURE
Edited by The Editorial Department of

卷八目錄

守道學案

孫懿齋先生

朱湘淘先生

趙玉峯先生

嚴佩之先生

王任庵先生

陸朗夫先生

閻懷庭先生

劉宣人先生

范彪西先生

許酉山先生

陳定齋先生

陶視庵先生

彭一庵先生

王懷三先生

學案小識卷八

守道學案

興縣孫先生

先生諱嘉淦字錫公號懿齋又號靜軒翰林厯官吏部
尙書協辦大學士少好靜坐誦讀之暇輒瞑目竟日讀
書不泥傳注務返諸身心以求實踐年二十餘爲督學
高文良公所識拔卽得聞性命之學研求理學之書又
請業於儀封張清恪公所造益邃嘗謂人言朱陸異同
此直好以口舌爭勝耳若實體則窮理主敬原不可分
蓋克己乃聖學主腦工夫但識己之所在凡所動念卽

據禮追已從生究已終極卽是窮理已克而禮自復卽是主敬所復之禮不外孝弟天德王道皆統於此卽如人臣受職但事事念及民生休養生息使之樂業安居自能老者衣帛食肉而忠君親上之心不教而自生孔子所謂至德要道孟子所謂堯舜之道孝弟而已者正此意也生平惟以至誠待人自居鄉至立朝未嘗作一欺人語與人共

國家事雖至親故亦侃侃無少阿不得已至於奏劾必直告無隱爲總制時僚屬有過先以教諭不悛乃劾治有可原又未嘗不爲平反也故受劾者不怨處心虛公

不以傾險疑人居常以八約自戒一曰事君篤而不顯
二曰與人共而不交三曰勢避其所爭四曰功藏於無
名五曰事止於能去六曰言刪其無用七曰以守獨避
人八曰以清費廉取視學安徽進諸生於庭講明身心
性命之學纂近思錄輯要一書授之曰此聖學階梯也
官國子司業以人才出學校而科目僅取文藝無裨實
用請令天下學政選拔生員貢於太學九卿保舉經明
行修者任助教學正學錄以經術造之三年考其成舉
以佐用遷祭酒復上言別置學舍支帑爲膏火資學成
第其等敘用示勸得

旨歲給銀六千兩賜學南官房三百餘間於是分堂撥
住日給以肄業內外爲差嚴立課程令助教等分宿官
署祭酒司業五日一會講後以尙書總理國子監事奏
倣安定經義治事二齋法分條教授學者刮磨砥礪咸
知實學成均之化稱極盛云先生奏疏百數十篇而天
下傳誦者莫重於三習一弊其言曰主德清則臣心服
而頌仁政多則民身受而感出一言而盈廷稱聖發一
令而四海謳歌在臣民原非獻諛然而人君之耳則熟
於此矣耳與譽化匪譽則逆故始而匡拂者拒繼而木
訥者厭久而頌揚之不工者亦絀矣是謂耳習於所聞

則喜諛而惡直上愈智則下愈愚上愈能則下愈畏趨
瞻諂脅顧盼而皆然免冠叩首應聲而卽是在臣工以
爲盡禮然而人君之目則熟於此矣目與媚化匪媚則
觸故始而倨野者斥繼而嚴憚者疎久之而便辟之不
巧者亦忤矣是謂目習於所見則喜柔而惡剛敬求天
下之士見之多而以爲無奇也則高已而卑人慎辨天
下之務閱之久而以爲無難也則雄才而易事質之人
而不聞其所短返之已而不見其所過於是乎意之所
欲信以爲不踰令之所發概期於必行矣是謂心習於
所是則喜從而惡違三習旣成乃生一弊何謂一弊喜

小人而厭君子是也今夫進君子而退小人豈獨三代
以上知之哉雖叔季之主臨政願治孰不思用君子且
自智之君各賢其臣孰不以爲吾所用者必君子而決
非小人乃卒於小人進而君子退者無他用才而不用
德故也德者君子所獨才則小人與君子共之而且勝
焉語言奏對君子訥而小人佞諛則與耳習投矣奔走
周旋君子拙而小人便辟則與目習投矣卽課事考勞
君子孤行其意而恥於言功小人巧於迎合而工於顯
勤則與心習又投矣小人挾其所長以善投人君溺於
所習而不覺審聽之而其言人耳諦觀之而其貌悅目

歷試之而其才稱乎心也於是乎小人不約而自合君子不逐而自離夫至於小人合而君子離其患豈可勝言哉而揆厥所由皆三習爲之弊焉治亂之機千古一轍可考而知也我

皇上聖明首出無微不照登庸耆碩賢才巢升豈惟並無此弊亦並無此習然臣正及其未習也而言之設其習旣已成則有知之而不敢言抑或言之而不見聽者矣今欲預除三習永杜一弊不在乎外惟在乎心故臣願言

皇上之心也語曰人非聖賢孰能無過此淺言也夫聖

人豈無過哉惟聖人而後能知過惟聖人而後能改過
孔子曰五十以學易可以無大過矣大過且有小過可
知也聖人在下過在一身聖人在上過在一世書曰百
姓有過在予一人是也故曰文王視民如傷望道而未
之見文王之民無凍餒而猶以爲傷惟文王知其傷也
文王之易貫天人而猶未見其道惟文王知其未見也
賢人之過賢人知之庸人不知聖人之過聖人知之賢
人不知欲望人之繩愆糾謬而及於所不知難已故望
皇上之聖心自懷之也危微之辨精而後知執中難允
懷保之願宏而後知民隱難周謹幾存誠返之已而真